

Ivittuut kommunianni Ikkap kangerluata iluani qinnguata eqqissisimatitaanissaq pillugu Namminersornerullutik Oqartussat nalunaarutaat

Kalaallit Nunaanni pinngortitamik allanngutsaaliuineq pillugu Inatsisartut inatsisaani nr. 11-mi 12. november 1980-imeersumi § 3, imm. 1, nr. 22 aamma § 19 naapertorlugit aalajangersarneqarpoq:

§ 1. Ikkap kangerluata iluani qinngua, Ivittuut kommunianniittooq eqqissisimatitassangortinneqar-poq kangerluup qinnguaniittut Ikkap sukaanik taaneqartartut illersorneqarnissaat siunertaralugu. Sukat immikkullarissumik pinngorsimanertik aammalu aatsitassatigut katitigaanertik pissutigalugu ilisimatuussutsikkut, ilinniartitaanermut tunngasutigut aammalu qasuersaariartarfissatut pingaarute-qarput. Sukat naasoqarfiulluarlutilu uumasoqarfiulluarputtaaq.

Imm. 2. Nuna eqqissisimatitaq nunap assingani ilanngunneqartumi nalunaarsimavoq, tassaallunilu allorniusap sanimukaartoq malillugu titarneq avannarpasissutsimi 61°11'-kkoortumiit Ikkap kangerlua, kangerlulu qinngua tikillugu.

§ 2. Kikkulluunniit kangerlummukarsinnaallutillu Ikkami sukaliarsinnaapput, taamaaliornermi eqqissisimatinsinermi siunnniunneqartoq sumiginnarneqassangippat, takuuk § 1, imm. 1.

§ 3. Eqqissisimatitap iluani imaatigut 3 knobiniit sukkannerusumik ingerlanissaq akuerineqanngilaq, aamma angallat 50 cm-ininngarnit itsineqqortunerussanngilaq. Sukat ertsittut kaajallallugit 50 miiterinik qaninnerusumiit imaatigut angalanermi taamaallaat umiatsiaaraq, qajaq assigisaalluunniit motooreqanngitsoq atorneqarnissaat inerteqqutaanngilaq.

§ 4. Eqqissisimatitap iluani kilisalluni allanilluunniit atortoqarluni Ikkami sukanik ajoqsiisinnaa-sumik aalisarneq inerteqqutaavoq.

§ 5. Ikkami sukanik qanorluunniit iliornikkut nungutitsisinnaasumik iliuuseqarneq sunaluunniit, tamatumani ilanngullugu immap naqqaniittunik aatsitassanik Ikaitinik nukersorluni piiaaneq imaluunniit sukaminernik katassimasunik katersuineq inerteqqutaapput.

§ 6. Eqqissisimatitap iluani eqqagassat, nalunaaqutsersuutit aammalu ilisimatusaatinut atortut qimaannarnissaat inerteqqutaapput.

§ 7. Avatangiisinut Pinngortitamullu Pisortaqarfik qinnuteqaateqartoqareerneragut nalunaarummit matumannga aalajangersakkaniit immikkut akuersissuteqarsinnaavoq.

§ 8. §§ 3-miit 6-imullu aalajangersakkanik unioqqutitsineq akiliisitaanermik kinguneqarsinnaavoq.

§ 9. Nalunaarut 15. maj 2000 atortuulerpoq.

Namminersornerullutik Oqartussat, 25. april 2000.

Alfred Jakobsen

/

Hans J. Høyer

Ilanngussaq



Ilanngussaq bkg 11-2000

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut